

এবার তেরোর একুশ

কাইউম পারভেজ

সাতচল্লিশ দেখেছে বাঙালি
আরো দেখেছে বায়ান্ন
উনসত্তরে লড়েছে বাঙালি
একাত্তরের জন্য ।
পঁচাত্তর দেখেছি আমরা
আরো দেখেছি নব্বই
দেখতে দেখতে তেরো-ও দেখছি
শাহবাগ সর্বত্রই ।

সাতচল্লিশে বুঝেছে বাঙালি
তেল জল তো মেশার নয়
বায়ান্নতেই বুঝিয়ে দিলো
বাঙালিত্ব করে কয় ।
উনসত্তরে লড়েছি আমরা
বায়ান্নর দীপ্তি নিয়ে
একাত্তরে স্বাধীনতা
পৃথিবীটা কাঁপিয়ে দিয়ে ।

পঁচাত্তরে বুঝেছে বাঙালি
শত্রু তো ঠিক রয়েই গেলো
নব্বইতে সেই বাঙালি
স্বৈরাচার গুঁড়িয়ে দিলো ।
তেরো তে এবার দেখছি আমরা
রাজাকারের ফাঁসির দড়ি
শাহবাগটাই বাংলাদেশ
'তুই রাজাকার' শ্লোগান ধরি ।

একুশ এলোরে, একুশ এলোরে
শাহবাগের জাগরণে
এবার একুশ পৌঁছে দেবে
রাজাকার নিশ্চিহ্ন রণে ।

ছাড়ো হুংকার 'জয় বাংলা'
রাজাকারমুক্ত বাংলা চাই
সাইদী কাদের আযম গং
এবার তোদের রক্ষা নাই ।
রক্ষা নাই ।
রক্ষা নাই ।
রক্ষা নাই ।